

PKLM UMS terima kunjungan penanda aras UPSI

Oleh Yap Siong Han

UB 15.03.2023 P.08

KOTA KINABALU: Pusat Kelestarian Libatsama Masyarakat (PKLM) Universiti Malaysia Sabah (UMS) menerima lawatan penanda aras daripada Pusat Transformasi (UCTC) Universiti Pendidikan Sultan Idris (UPSI) baru-baru ini.

Pengarah PLKM Dr. Elia Godoong berkata, program selama dua hari itu antara lain bertujuan membincangkan peluang kolaboratif antara pihak UPSI dan UMS dalam rencana membangunkan pusat rekreasi Edu Forest @ Kampus.

“Selain itu, perbincangan mengenai program pemindahan ilmu (KTP) antara PKLM dan UCTC dalam membantu membangunkan komuniti melalui transformasi kemahiran yang terdapat di universiti.

“Di samping itu, ini juga bagi membantu dalam me-



PENANDA ARAS: Kasim (tengah) merakamkan gambar kenangan bersama para tetamu ketika dalam sesi pertemuan berkenaan.

ningkatkan penyelidikan dan inovasi di universiti,” katanya dalam kenyataan ketika menerima lawatan delegasi dari UPSI baru-baru ini.

Dalam pada itu, Naib

Canselor UMS, Prof. Datuk Dr. Kasim Mansor ketika ditemui di Galeri Azman Hashim (GAH) semasa sesi lawatan, menzahirkan sokongan padu terhadap peluang

kolaboratif antara PKLM dan UMS dalam pembangunan universiti sejajar dengan matlamat lonjakan 11 teras KPT.

“Semoga jalinan kerjasama

ini akan terus utuh dan memberikan impak yang positif terhadap kedua-dua universiti khususnya serta kepada komuniti setempat,” katanya.

Pengarah UCTC UPSI, Prof. Madya Dr. Mohd Azlan Nafiah turut merakamkan penghargaan kepada pihak PKLM atas kerjasama sepanjang sesi lawatan merangkumi lawatan ke beberapa tempat menarik di UMS seperti Nurseri Fakulti Perhutanan dan Tropika (FPT), SFERA@UMS, Institut Biologi Tropika dan Pemuliharaan (IBTP), Puncak UMS serta GAH.

Sesi lawatan tersebut diakhiri dengan prabengkel yang telah diadakan di PKLM bertujuan merumuskan hasil dapatan melalui lawatan dua hari tersebut.

Hadir sama, wakil Dekan FPT, Mohd. Abdullah Abd. Ghani yang merupakan Ketua Projek SFERA@UMS.